

欽定四庫全書

顏魯公文集卷一

奏議

請復七聖謚號狀

謹按禮記曰先王謚以尊名節以一惠故行出於已而名生於人使夫善者勸而惡者懼也而虞夏之質殷周之文至矣而禹湯文武之君咸以一字為謚言文則不

唐 顏真卿 撰

定庫書
欽四全

顏魯公文集一

欽定四庫全書

顏魯

墓碣墓誌

曹州司法參軍秘書省麗正殿二學士殷君墓碣

銘

唐 顏真卿 撰

善父母之謂孝睦昆友之謂悌孝悌也者其人之本歟經天緯地之謂文博古知今之謂學文學也者其德之

欽定四庫全書

墓碣墓誌

蘊歟誰其兼之即我伯舅殷君其人矣君諱踐猷字伯

起陳郡長平人五代祖不害舊集作不古非以孝見梁書高祖

英童周御正中大夫麟趾學士曾祖聞禮唐太子中書

舍人弘文館學士祖令言校書郎潯川令父子敬太常

博士吳令累葉皆以德行名義儒學翰墨聞於前朝君

即吳縣之元子幼而聰悟絕倫長而典禮不易年十三

日誦左傳二十五紙讀稽聖傳一遍亦誦之博覽羣言

尤精史記漢書百家氏族之說至於陰陽數術醫方刑

中國書局

唐·顏真卿 撰

顏魯公文集

(一)

中國書局

詳校官左中允臣莊通敏

臣紀昀覆勘

題

文集

(二)

欽定四庫全書

集部二

顏魯公文集

別集類一唐

提要

臣等謹案顏魯公文集十五卷補遺一卷年譜一卷附錄一卷唐顏真卿撰真卿事迹具唐書本傳其集見於藝文志者有興觀集十卷又廬集十卷臨川集十卷至北宋皆亡有吳興沈某者採掇遺佚編為十五卷劉敞為之

序但沈稱侯而不著名字嘉祐中又有宋敏求編本亦十五卷見館閣書目江休復筆錄極稱其採錄之博至南宋時又多漫漶不完嘉定間留元剛守永嘉得敏求殘本十二卷失其三卷乃以所見真卿文別為補遺併撰次年譜附之自為後序而宋沈所編全書皆不存後人復分元剛之十二卷為十五卷以當之迨明而流傳益罕今世所行本乃明萬

歷中真卿裔孫允祚重刊脫漏舛錯盡失其
舊獨此本為錫山安國所刻雖已分十五卷
然猶元剛原本也真卿大節炳著史冊而文
章典博莊重稱其為人集中廟享議等篇說
禮尤為精審特遺文在宋散佚已多故元剛
所編亦不免缺畧今去唐益遠而其文之見
於石刻者尚間有可採謹詳加搜緝得殷府
君夫人顏氏碑銘一首尉遲迴廟碑銘一首

太尉宋文貞公神道碑側記一首贈秘書少
監顏君廟碑碑側記碑額陰記各一首竹山
連句詩一首奉使蔡州書一首皆有碑帖現
存又政和公主碑殘文顏元孫墓誌殘文二
篇見江氏筆錄陶公栗里詩見困學紀聞今
俱採出增入補遺卷內至留元剛所錄禘祫
議其文既與廟享議複見而篇末時議者舉
然云云乃新唐書陳京傳叙事之辭亦非真

卿本文又干祿字書序乃顏元孫作真卿特
書之刻石元剛遂以為真卿文亦為舛誤今
並從刊削焉元剛字茂潛丞相留正之子宫
終起居舍人云乾隆四十九年十一月恭校
上

總纂官臣紀昀臣陸錫熊臣孫士毅

總校官臣陸費墀

顏魯公文集序

顏魯公極忠不避難臨難不違義是其塵垢糠粃猶祇飾而誦習之將以勸事君況其所自造之文乎然魯公沒且三百年未有祖述其書者其在舊史施之行事僅有存焉而雜出傳記流于簡牘則百而一二銘載功業藏于山川則十而一二非好學不倦周流天下則不能徧知而盡見彼簡牘者有盡而山川者有壞不幸而不傳則又至于千萬而一二未可知也吳興沈侯哀魯公

之忠而又佳其文懼久而有不傳與雖傳而不廣也於是採掇遺逸輯而編之得詩賦銘記凡若干篇為十五卷學者可觀焉蓋君子多見則守之以約沈侯好學喜聚書至三萬卷若是多矣然猶常汲汲如不足者至其集魯公之文使必傳于天下必信于後世可謂守之以約而尚友者乎予是以序其意劉敞識

欽定四庫全書

顏魯公文集卷一

唐 顏真卿 撰

奏議

請復七聖謚號狀

謹按禮記曰先王謚以尊名節以一惠故行出於已而
名生於人使夫善者勸而惡者懼也而虞夏之質殷周
之文至矣而禹湯文武之君咸以一字為謚言文則不

稱武言武則不稱文豈聖德所不優乎蓋羣臣稱其至者是以子不得議父臣不得議君天子崩則臣下制謚於南郊明受之於天也諸侯薨則太子赴告於天子明受之於君也至於周室卑大朴散謚始以兩字為重人或以虛美為榮漢承戰國餘烈參而用之君臣易名事歸至當少不以為貶多不以為褒雖美衆所歸可一言而盡矣魏晉以降蓋不足徵聖唐欽明憲章周漢爰初創業順考古道高祖謚太武用漢制太宗謚曰文行周

道也名正理順垂之無窮上元中政在宮壺亂名改作
始建神堯文武大聖之號蓋非高宗之所獲已洎玄宗
之末奸臣竊柄析言而亂舊法輕議以改鴻名遂廣累
聖之謚有加至十一字者皇帝則悉有大聖之號皇后
則皆有順聖之名使言之者惑於今行之者異於古非
舊制也其後劍門下罪已之詔叙高祖已下累聖悉用
舊謚則玄宗悔既往之失亦以明矣寶應中二聖山陵
有司議謚事不師古變而行權去古質而尚浮華捨舊

名而廣新謚謂一名不足以節惠廼十陪於古焉而累
聖謚名悉以字多者為定是廢高祖太宗之令豈曰愛
君今制謚非古人皆知之有司因循其事而無敢言者
假使當今守之而不改後人議之以為非然所失豈不
大哉何者臣子之於君父莫不欲廣其美稱先王制禮
不敢過也故至敬無文至文尚質質之數極於一堯舜
之美足以彰美文之數極於二孝文孝景之德亦以明
矣質則近古文則近今此高祖太宗所以更用其法後

王所宜守之法也非天下之至聖其孰能定之此天皇
所以興聖主而正鴻名太宗所以待孝孫而修廢典微
臣所以守經義而崇聖朝陛下宜奉天心繼先太宗之
志使子孫蒙其法而萬代守之此天下之能事也臣愚
以為高祖已下累聖謚號悉宜取初謚為定謹按舊制
宜上高祖為武皇帝太宗為文皇帝高宗為天皇大帝
中宗為孝和皇帝睿宗為聖真皇帝其二聖謚名字數
太廣有逾古制臣愚請擇其美稱而正之謹按謚法秉

德不回曰孝照臨四方曰明宜上玄宗為孝明皇帝又按謚法聖善周聞曰宣宜上肅宗為孝宣皇帝仍准漢魏及國朝故事於尚書省議定奏御夫文敝則救之以質至敬也名惑而反之於正至明也祖作之而孫述之至孝也三者備矣然後能立天下之大本正天下之大名昭天下之大德建天下之大業能事畢矣伏惟皇帝陛下詳擇

論元皇帝祧遷狀